

H

1674

3174

90-

SECONDE

LETTRE

DE

MONSIEVR DE
VENDOSME AV ROY.AVEC VNE LETTRE
à la Royne.

A PARIS,

Chez MÉLCHIOR MONDIERS, rue saint
Jacques aux deux Coquets.

M. D C. XIV.

Avec Permission.

SECONDE

LETTRE


DE

MONSIEUR DE

VENDOSME AU ROY.

AVEC UNE LETTRE

à la Royne.



A PARIS

Chez M. de la Motte, Libraire, Palais National, ci-devant des Arts, au Salon de Peinture.

En la vente de la Bibliothèque de la Ville de Paris.

M. D. C. C. X. V.

Le 15 Mars 1795.



AV ROY

SIRE,



N'estimant pas auoir suffisamment remply mon deuoir par les assurances de la continuation de mon seruice tres-humble, portees par ma precedente lettre à vostre Majesté, ie fis incontinent apres les mesmes protestations par escrit au Parlement', & aux communaultez de ceste Prouince, d'où ie me promettois du bien pour elle & pour moy. Pour la Prouince, d'autant que cela me sembloit propre pour la tirer de l'alarme où ie la voyois, & pour y retenir par mon exemple chacun en son deuoir. Pour moy, par ce que la submission estât tousiours prise en bonne part des Roys, principalement quand elle est publique, i'auois sujet de croire que la mienne me succederoit bien. Contre vne esperance si bien fondee on à icy refusé, SIRE, de voir mes lettres, & ce qui est mon sensible mal-heur, les rayons de vostre lumiere, vos commandemens, depuis ce temps-là, ne m'ont point esclairé. Par degrez encores on n'a cessé de chercher les moyens

d'amener les affaires de la Prouince à vne extreme aigreur, commandant aux Lieutenans d'armer, & à la Noblesse de les assister, & me des-armant iusques à ce point, de deffendre aux gensd'armes de la compagnie d'ordonnance, dont vostre Majesté m'a honoré, de se trouuer aupres de moy sur peine de crime de leze Majesté, & aux habitans des villes & Capitaines des places du patrimoine de Madame la Duchesse de Mercœur, de m'y donner entree; Encores que tels arrests tiennent du naturel de la plume, qui va bien viste, & des personnes qui les ont donnez, qui concluent aisément au sang, par ce qu'il n'y va iamais du leur; I'ayme neantmoins mieux les imputer aux partisans, que mes ennemis particuliers ont dans le Parlement, qu'à toute la compagnie. Selon la rigueur de ces gens-là, ie me voy despoüillé de ma charge, & de ma compagnie d'ordonnance. Mes vassaux & mes propres domestiques, qui presque tous sont Gentils-hommes de la Prouince, portez à s'esleuer contre moy: Encores cela ne leur a seruy que de degrez pour passer outre. I'ay appris, SIRE, qu'ils ont fait entendre à vostre Majesté, que i'estois armé, & que ie prenois part à la fortification de Blauet, afin d'attirer sur moy vos armes en ceste Prouince, sous deux pretextes, de là i'ai principalemēt tiré subject de venir de nouueau aux esclarcissemens. Pour mes armes, ie ne sçay s'ils les fondent sur ma suite, ou sur mes actions, si c'est sur ma suite, i'aduouë que i'ay esté accōpagne iusques à present d'assez bon nōbre de Noblesse, mais ce n'est pas chose nouuelle, Aux autres voyages que i'ay faits en Bretagne, ie ne l'estois pas moins, & puis

5
cet ordre s'approche aussi naturellemēt de ceux de
ma naissance, que le fer de l'aimant. Ayant depuis
deux mois tant souffert en ma liberté, en ma char-
ge, & en ma reputation, choses si precieuses, & estāt
le propre des iniures d'aller tousiours en croissāt (ie
ne pense pas, SIRE,) qu'on deust trouuer estrange, si
pour ma seureté, i'estois maintenant plus accom-
pagné que ie ne fus iamais. En cela neantmoins il
ny a rien d'augmenté. Si sur mes actions, il seroit à
desirer, que celles de Rennes & des autres villes du
pays, fussent aussi paisibles que les miennes, la pro-
vince s'ē porteroit bien mieux. Qui voudroit main-
tenāt trouuer la paix en Bretagne, il la faudroit cer-
cher où ie suis. Qui voudroit trouuer l'image de la
guerre, il la faudroit cercher partout ailleurs: Si mes
ennemis auoiēt enuoyé informer sur mes voyes, ils
seroient cōtraints de parler & d'escire de moy au-
trement qu'ils ne font: Pour Blauet, le droit m'estāt
demeuré, de dire mō aduis de ce qui se passe en mō
gouuernement. Il est raisonnable de iuger de ceste
fortification par sa cause, par la fin, & par les offres
de ceux qui s'y employent: par sa cause, le sieur de
Fouquerolles a cōmandé de la part de vostre Ma-
iesté aux Capitaines particuliers des places de Bre-
tagne, de s'asseurer chacun d'eux, de celles qui leur
estoiēt dōnées en garde. Sous vn si legitime cōmā-
demēt le Capitaine de Blauet a fondé ce qu'il a fait:
par sa fin, en vne saison où il voyoit la paix se
troubler aucunement, il a creu deuoir preue-
nir d'autres persōnes, qui attēdoient il y a long tēps
vne occasion propre pour se preualoir, au dōmage
du pais, de l'aduantage de cet emplacement: par ses

offres, le grand Preuost de Bretagne estant descen-
du sur le lieu, le Capitaine a offert d'en sortir, & de
ruiner ses fortifications aussi tost que vostre Maie-
sté le luy cōmanderoit, ne croyāt pas deuoir autre-
ment desēparer, & deffaire, ce qu'il dit n'auoir fair
que par son cōmandement. Si tous ces respects l'ōt
poussē à ce qu'il a fait, on a raisō de dire que ie prēs
part à sa preuoyance. S'il vuide, s'il demolist au pre-
mier cōmādemēt qu'il en receura, de V. M. ie pren-
dray encores plus volōtiers part à la gloire de sō o-
beisāce. Ie pense, SIRE, m'estre suffisāment iustificē
des deux pretextes, que mes ennemis prēnent pour
armer vostre Maiesté contre moy: Mais ce n'est pas
assez, il faut que ie luy face voir les causes qui les
poussent, rien ne luy importe d'auātage que de co-
gnoistrebiē sō Royaume en general, & ses prouinces
en particulier. En celle cy, SIRE, il y a vne factiō en-
racinée qui l'a mise en l'estat où elle est: vn ver qui
fera mourir l'arbre si vostre Maiesté l'y laisse plus lō-
guemēt. Sō chef impatiēt de tout tēps, de souffrir ses
superieurs, ayāt trouuē de sēblables membres, qui
ne sçait les trainées, les obliques voyes, que luy &
eux ont tenuës depuis quatre ans, pour vsurper ma
charge? C'est en ceste source où ie puise les aduis
qu'on dōne que ie suis armé. A quelle fin? Pour fai-
re enuoyer icy le chef avec armée, & se seruir des
forces & du nom de vostre Maiesté, pour y exercer
tous les maux que les factions ne manquent iamais
à faire quand elles en ont la puissāce. Si ie n'auois
égard qu'à mō particulier, ie ne me mettrois pas en
deuoir de destourner ce dessein; Dieu m'a fait sortir
de trop bon sang pour entrer iamais en apprehen-

sion de mes ennemis particuliers, en quelque estat qu'ils soient, Mais, SIRE, ie ne puis souffrir, sans me plaindre, que par artifices & impostures, on mette d'auantage vostre Maiesté en colere contre moy, mō innocence, & contre la cōtinuation de mon obeissance. Sur ceste seconde protestatiō de seruire, tres-humble & tres-fidelle, ie la supplie tres-humblemēt de remettre icy en l'exercice de la charge que ie tiēs du feu Roy son Pere, de n'en honorer point, en attendant cet effect de Iustice, ceux qui ont autres-fois seruy les feuz Roys vos predecesseurs, & ceux qui ont pris cōfiance en eux en la façon qu'vn chacun sçait, & qui sont maintenant mes ennemis irreconciliables, & d'empescher qu'ils ne troublent par armes ouuertes le repos de ceste sienne prouince. En guerre estrangere, les Roys peuuēt trouuer & hōneur & profit: En la domestique, que quelque chose qui arriue, toute la perte retombe dessus eux. Si les armes de vostre Majesté n'ont autre object, que moy, pour se faire seruir, elle n'à qu'à m'honorer de ses commandemens, ma parfaicte obeyssance luy rendra preuue que ie n'ay rien tant cœr, que mon inuiolable qualité.

SIRE,

DE

Vostre tres-humble, tres-obeysant, & tres-fidelle subject, & seruiteur.

CESAR DE VENDOSME

De Lamballes ce 27. Mars 1614.



A LA ROYNE



A DAME,

Ma premiere despesche
n'ayant attiré du Roy ny
de vostre Maiesté aucun
tesmoignage de satisfac-
tion du deuoir ou ie me mettois, ie n'ay
pas laissé de faire ceste seconde pour en
monstrer la perseuerance. Si elle est suivie
de l'honneur de vos commandements, elle
m'apportera le bien que i'en desire, me don-
nât moyen de faire d'escroire mes ennemis
particuliers par les actions.

Madame,
de

*Vostre tres-humble tres-obeissant &
tres-fidelle seruiteur & subiect*
CESAR DE VENDOSME.

De Lamballes ce 27. Mars. 1614.